




**Johannis Casimiri ... Mandatum, de non amplius  
condemnando, criminando, convitiandoque e pulpitis  
templorum, cathedrisque scholarum, ut hactenus a multis  
factitatum est**

<https://hdl.handle.net/1874/9511>

JOHANNIS  
CASIMIRI DEI GRATIA  
PALATINI RHENI, &c. TUTORIS ET  
ELECTORALIS PALATINATUS ADMINISTR.  
tratoris, Mandatum, de non amplius condemnando,  
criminando, conuictiandoq; e pulpitis Templorum,  
cathedralis Scholarum, ut hactenus a mul-  
tis facilitatum est.



HEY DELBERG AE  
excudebat Iacobus Mylius,  
M. D. XXCIV.

I

JOHANNES CASIMIRVS DEI GRA  
tia Palatinus Rheni, Tutor, & E  
lectoralis Palatinatus Adminis  
trator, DVX Bauariae &c. Vniuers  
is & singulis nostris Consiliari  
js, præfectis tam superioribus  
quam inferioribus, Scultetis,  
Consulibus, Senatoribus, Ma  
gistris pagorum, aliarumque  
communitatum, ciuibus, subditis & quibuscumque  
alijs ad nos attinentibus & jurisdictioni nostræ sub  
iectis: præcipue verò Superintendentibus, Pastori  
bus, Diaconis, Presbyteris, Ecclesiarum & Scholarum  
ministris, deniq; omnibus huius nostri inferioris Pa  
latinatus hominibus tum Ecclesiasticis tum politicis,  
cuiuscumq; ordinis, status & conditionis sint, opta  
mus salutem, nostramq; significamus & deferimus  
gratiam & benevolentiam.

Postquam Nos, Dei prouidentia, legitimè  
nempe vigore aureæ Bullæ atq; Iuris, ad Electoralis  
Palatinatus administrationem peruenimus, & quid  
nostris tanq; Christiani magistratus muneris sit, consi  
derauimus, quòd videlicet nō solùm verbo Dei salui  
fico ad subditorum æternam ac temporalem prospe  
ritatem animæq; salutem, cursum suum liberum &  
rectum concedere, eumq; quantum in nobis est, pro  
mouere, sed etiam omnia eius obstacula & impedi  
menta, vt sunt: omnes communi Ecclesiæ consensu  
reiecti fanatici errores, atque haec tenus in suggestis  
scholisq; omnis generis graues & minimè ferendæ  
obtrestationes, calumniæ, condemnationes ac hæres  
eos insimulationes, quibus inculpati veræ doctrinæ

A ij assertores

assertores de Ecclesia benè meriti viri proscinduntur ac diffamantur propter quasdā controuersias & in Ecclesia Euangelicorum nondum decisas expositiones, maximè verò in negotio de Cœna Domini nostri Iesu Christi remouere atq; tollere debeamus: præsertim cùm huiusmodi litibus ac rixis Ecclesia Dei non exterruitur, nec ad Christum adducatur, sed potius destruatur, depravetur, tenellæ conscientiæ in errorem, dubitationemq; trahantur, vinculum fraternæ charitatis disruptum, pōtificij & alij veritatis adhuc expertes ab eius amplexu & amore deterreātur, quib' potius sancta & inculpata vita, lenitate, māsuetudine & Christiana modestia exemplū & ansa danda erat accedendi ad veram Christianam nostram religionem, ad Deum cum omnibus fidelibus laudandum & celebrandum.

Quocirca & nos hisce tām grauibus causis adducti, cum nostro pridem charissimo fratre Ludovico palatino Electore &c, piæ memoriarum (quemadmodum à charissimo nostro quondam patre beatæ memoria Friderico Palatino Electore & cæteris Electoribus ac principibus Augustanæ confessionis factum fuit) fraternè consensimus, mutuòq; stipulati sumus. pariter effecturos, vt iam dicta scandala, impiæ ac Christiano homine indignæ condemnationes, heresios insimulationes & plebis concitationes prohibentur ac tollantur, id quod præfatio quoq; in euulgatam ab illo Ecclesiasticam Ordinationem disertè expressum & fieri vult. Si qua verò controuersia religiosa esset aut existeret, eam non conuicijs, calumnijs & importunis condemnationibus è suggesto ad perturbandum plebem, sed ordinaria, & visitata in Ecclesia Christi via ac ratione, nimirum Christianis colloquijs ac Synodis decisum iri.

Cum

Cum itaq; statim in principio nostræ gubernationis & administrationis Electoratus tam à subditis quam ab alijs frequentes ad nos delatae sint querelæ, quod à compluribus Ecclesiarum Scholarumq; ministris ei constitutionatq; edito, non obtemperetur, sed calumniæ, criminationes & conuicia cum vanis & maleuolis insimulationibus falsorum dogmatum indies magis magisq; inualescant, ac subditi qui hanc rem tam indignam & tetram abhorrent, partimq; à talibus Ministris dissentient de Cœna Domini, non credentes eius corpus pani inclusum ore percipi, ab istis è suggesto & alibi maledictis incessuntur, probris extremè deturpantur, à sacræ Cœnæ vsu arcentur, ad Baptismum susceptores infantium non admittuntur, imò quibusdā in locis etiam sepultura debita eis denegatur: quorum utrumq; charissimus frater noster pridē mortuus Elector inprobauit, fieri q; vetuit. Vn de hoc quoq; manauit, vt ab honestis muneribus veluti senatorijs alijsq; id genus excluderetur. Ad medendum huic malo, hisce exacerbationib; insestantionib; bus & odijs, & ad amouendū animorū perturbationes suspicionesq; quibus homines irrequieti nostrā religionem apud simplices invisam, odiosamq; reddere conati sunt, significamus ac testamur hoc scripto p; jam non daturos locum vlli hæresi, blasphemiae aut errori, quæ vel à vetere puriori vel à nostræ ætatis emenda Ecclesia communī consensu reiecta sint, ve ex rejectis & s; p; iam confutatis erroribus deducantur, aut profluant: sed omnibus Ecclesiastis & doctoribus concessum esto & liberum, imò seueriter iniunctum, vt ea confutent, taxent, populumq; de eis cauēdis p; ræmonent.

Quod verò attinet ad disputationem de Cœnæ sacra, super qua eosq; vtrinq; consensus & communis confessio est, quòd veri & essentialis corporis & sanguinis Domini & seruatoris nostri Iesu Christi, simulq; omnium eius beneficiorum in iusto Cœnæ huius vsu certò participes efficiamur: & quòd Christus Dominus noster sacræ suæ Cœnæ ad sit, sicut & præconio sacri sui Euangelij: & dissensio in eo sit tantummodo (nisi quòd pauci quidam homines irrequieti superioribus annis disputationem nouam de persona Christi ex libris istis contentiosis & pugnacibus conquisitam mouerunt) nimirum qua ratione, quóue modo hac præsentia & participatio corporis & sanguinis Christi intelligenda sit & fiat.

Nempe vtrum id corpus substantialiter in pane continetur, an verò nobis suis membris quibus Christus sese secundum promissionem coniungit & vnit, præfens sit: sicut vtraq; & Euangelium & Sacramenta non de eo, quod vel in voce concionatoris vel in elementis occultatum est, sed quod nobis credentibus in iusto vsu huius ceremoniæ donatur, nobis testificantur, deq; eo certiores reddunt.

Quarum sententiarum posteriorem nos quoq; verbo Dei, fidei nostræ Christianæ veteris purioris Ecclesiæ doctrinæ consentaneam sentimus & in confessione Augustana eiusdemq; Apologia & alijs publicè approbatis & receptis Ecclesiarum Euangelicarum confessionibus compræhensam. Veruntamen volumus, postulamus & seuerè mandamus, vt infirmiendum capaces eius, quam nos profitemur, quæq; Catæchismo à patre nostro Fridetico Electore &c. felicis memorie continetur, doctrinæ, æquo animo & hu-

maniter

maniter ferantur, placidè instituantur: nec quisque alium ob eam, quam nos ex verbo Dei certam amplectimur doctrinam, vel in suggesto vel in scriptis suggestillet, condemnat, deuoueat, sicut haec tenus à turbulentis hominibus factitatum est: quandoquidem in nulla adhuc communi & legitima Synodo hæc controuersia agitata & disceptata est.

Præcipue verò abstineant in suggesto à contumeliosis Lutheri, Caluini, aliorumq; præstantium & de Ecclesia benè meritorum virorum cognominibus, per quæ apud Pontificios & id genus alios veritatis aduersarios de honestantur, quiescentes partim iam in Domino, postq; dotibus diuinitus eis concessis fideliter & sedulò vñi sunt, ad eruendum ex tenebris Pontificij ergastuli multorum animas, ne hoc pacto simplicium ac tenerorum conscientiæ contristentur offendantur perturbentur & animorum distractiones fiant: Quandoquidem certò constat ex colloquijs & actis Marpurgensibus anno 29. tūm verò ex VVitterbergensi Concordia, initaq; fraternitate anno 36. illos ipsos viros consensisse de omnibus Christianæ fidei articulis etiam in fundamento de Baptismo & Cæna Domini non discrepauisse, mutuoq; pro fratribus agnouisse, nec secus à præcipuis Augustanæ confessionis autoribus & sectatoribus habitos fuisse.

Interdictum quoque est huiusmodi sectarum probrosis nominibus autoritate sacrarum literarum, ne videlicet alij vocentur partium Cephæ, alij Apollo, alij Pauli, vt nunc hic Lutheri, ille Caluini dicitur, sed ad unum Christum, in cuius nomine baptizati, à quo redemti sumus nos referre, ab eoq; nominare debemus. Nec dicam quod istis probrosis odiosisq; appellationibus

appellationibus tām intra quām extra Romanum  
 imperium sitē Ecclesiæ, quæ à pontificia tyrannide se  
 se separarunt, - bi pso Pontifice sine discrimine omnes  
 cuiuscunq; sint sententiæ & què infestentur, illisque  
 exitium struatur. Quinetiam & sacra Scriptura &  
 dilectio proximi requirit, cùm ab omnibus tūm verò  
 maximè ab Ecclesiæ ministris, vt rūdis & simplex ple-  
 becula moderatione & lenitate adhibita doceature ex  
 verbo Dei, & Christo lucrifiat, non ab eo conuitijs &  
 maledictis alienetur abstere atque. Quantò igitur  
 minùs ferre & concedere possumus vt ministri Eccle-  
 siarum & scholarum in suggestis vel in scriptis alijs ali-  
 js falsas & hæreticas opiniones & doctrinā assignent,  
 temerè ac falso imputent, & sic falsum testimonium  
 perhibeant, idque eum duntaxat in finem, vt veritas  
 & homines innocentēs hoc pacto apud vulgus tra-  
 dicantur, odiosi & infames reddantur. Itaque hæc  
 vt quæ nullum honestum virum, nedum Ministrum  
 Ecclesiæ decent, seuerè cum denunciatione summæ  
 pœnæ fieri vetamus: imprimis verò vt abstineant ab  
 hac & sequentibus manifestis calumnias, quod is, qui  
 verba hæc **PANIS EST CQRPV S CHRISTI**  
 non de corpore quopiam pani inclusō, aut quod pa-  
 nis non essentialiter vel substantialiter Christi corpus  
 sit actale corpus ore vt panis comedatur, intelligunt,  
 sed **S A C R A M E N T A L I T E R**, quod nimis  
 pro natura & proprietate omnium Sacramentorum  
 signum sit veri corporis Christi, quod in cibum ani-  
 mæ nobis in iusto suo usu præbetur, propterea verba  
 Christi in Cœna non habeant pro veris vel vera ne-  
 gent: Item quod sic **DEO ET CHRISTO OMNI-**  
**POTENTIAM** detrahant: Item quod Sacra menta  
 tantū

tantum nuda signa & inanes representationes sint, & non talia, per quae nobis id quod designant, donetur. Item quod nullam Christi presentiam in sacra Cœna agnoscant, docentes & dictitantes, tam longe eum inde abesse, quantum distat summum Cœlum à terra. Id quod falso de illis perhibetur, sed, hoc docent, quod, etiamsi corpus Christi post eius assensum in Cœlum quoad locum, testantibus id Angelis, Paulo alijsque apostolis vnam in iter, tam procul absit à terrenis istis elementis, quam Cœlum à terra: tamen nobis præsens sit in hac sacra actione, quæ magis cœlestis quam terrestris est, in qua & omnipotens Christi Spiritus efficax sit, & verè præsens membra capiti yniat, & proinde nos ad hanc mensam diuinam secundum sententiam Concilij Necæni non defixi esse debemus, humiliter in proposito pane & calice rebus nimirum visibilibus & terrestribus: sed animos per fidem rursum mittere ubi Christus est, teste Paulo, sedens ad dextram patris, & inde eum ex parte, redditum visibili & corporali modo. Item quod doceant, Christum unius cuiusdam loco in Cœlo inclusum, & quasi captiuum teneri. Item quod nutriamus nos per hoc Sacramentum solummodo Spiritu Christi & beneficiorum eius, non etiam eius corpore. Item quod tantum humanas & Philosophicas rationes sequantur, & id genus aliae putidæ ac euidentes calumniæ, blasphemiae, quæ huic in verbo Dei fundatae doctrinæ affinguntur, & ex sacris literis alijsque firmis argumentis multoties confutatae sunt & dilutæ.

Et quoniam ex hoc prauo intellectu pauci aliquot superstitionis Doctores disputationem de omnipresentia corporis Christi mouerunt, deduxerunt,

B negotioq;

negotioq; Sacramentario admiscuerunt ad proban-  
 dam substantiam corporis Christi in Coena præsen-  
 tiā & oralem mandationem, qua hæc contentio  
 indies maior & intricatior fit & plebi argutis & perni-  
 ciosis quæstionibus ac disputationibus redditurvsq;  
 perturbation, atq; illi, qui rectam de personali natura-  
 rum in Christo vniōne ex verbo Dei & vetustis Sym-  
 bolis pariter cum tota orthodoxa Ecclesia contra  
 cōmentitiam istam omnipræsentiam corporis Chri-  
 sti docent & tūtentur, grauibus calumnijs ad vulgus  
 proscinduntur & deformantur, quasi erroneæ doctri-  
 næ autores tradentes Christum non esse omnipoten-  
 tem & proinde Arrianiscognati: Item humanam na-  
 turam nihil accepisse per personalem vniōnem, nisi  
 solā nuncupationem & nomen; tūm quod personam  
 vt, Nestorius diuidant, dimidium duntaxat Christum  
 in terra, non totum agnoscant: & quod Emanuelem  
 nostrum Christum non totum in vtraq; natura inse-  
 parabiliter adorent & quæ huius farinæ alia commen-  
 ta & mendacia in vulgus sparguntur: mandamus Pa-  
 storibus & diaconis, vt de his mysterijs personæ Christi  
 ex sacris literis, Symbolis Ephesino & Chalcedonensi  
 simpliciter & sobriè, doceant & concionentur, ab  
 omnibus argutis inutilibusq; quæstionibus, quas  
 populus intelligere nequit, sed quibus dubius incer-  
 tusq; redditur, & quæ nativas & proprias corporis  
 Christi affectiones tollunt: Itemq; à calumnijs & insi-  
 mulationibus, quæ nostrarum Ecclesiarum Catechis-  
 mo, alijsq; scriptis antè editis plenè & planè confutatæ  
 sunt, omnino abstineant, alioqui in grauem nostri of-  
 fensam et in certissimam pœnam incursum.

Et quia compertum est, quod haec tenus maior  
 pars

pars prædicatorum huiusmodi calumnias tantum ex alijs auditas, ad populum è suggesto declamitent, nostrorum aliorumq; doctorum libris, sicut & Augustana Confessione eiusq; Apologia non lexis; volumus & mandamus, vt Ecclesiarum Scholarumq; ministri, qui de hisce rebus docent & concionantur, diligenter ipsi legant, libros à nostris alijsq; editos perpendant, examinēt, in verbo Dei, Augustana Confessione eiusq; Apologia conferant, & sicubi quod captum ipsorū excedat inuenerint, de eo cum nostris Theologis & Ecclesiæ ministris placidè, amanter & Christianè conferrant, seseq; erudiri patientur: quò importunæ & iniustæ condemnationes & conuitia euitentur, aboleanturq;. Præterea quum hæ in Religione dissensiones & certamina extiterint potissimum ex libris istis eristicis & altercatoribus, hominumq; glossis atq; interpretamentis: omnes verò Christiani catholici & cùm eis nostri maiores & nosmet ad solum Dei verbum, ad prima quoq; & antiquissima Symbola itemq; Augustanam Confessionem eiusq; Apologiam tanquam verbo Dei consentanea respicimus, & prouocamus: coniungimus nostris Ecclesiarum Scholarumq; ministris, vt nostræ ditionis populum & iuuentutem ex solis his communiter notis & approbatis, non ex contentiosis istis, alijs ve alieno fundamēto superstructis libris, quocunq; nomine appellantur, hodie inter Augustanæ Confessionis status controuersa, nec, dum in communi aliquo conuentu confirmata & recepta, erudiant & ad ea duntaxat remittant, allegent & deducant: quoad tandem aliquando, mediante diuina gratia, hæ dissensiones & certamina de modò memoriatis articulis in libero ac vniuersali Concilio compo-

B ij nantur,

nantur, & ut interea neutra pars alteram ob controv  
uersiam de sacra Cœna conuitis maledictis insepte  
tur, alioù modo infestet & lœdat: sed multi magis eò  
omnes suas dirigant conciones, quò populus & audi  
tores in simplici & vera pietate proficiant, ad peccato  
rum agnitionē & pœnitentiam & viræ correctionem  
adducantur, ad mutuam charitatem hoc potissimum  
**exulcerato** & turbulentio seculo inuitentur & adsue  
fiant: vtq; ipsi Pastores & Ministri dent operam, vt  
modestè mutuò conuersentur, alij alios tolerent dan  
tes alijs speciem & exemplum, se esse membra Christi,  
eumq; habitare ipsorum peitora.

Postremò quia nobis innotuit esse Conciona  
tores & ludimagiſtros, qui iuramentū prætexant suis  
**criminationibus, maledicentiæ, condemnationibus**  
& **excommunicationibus, cásq; excusent eò quòd iu  
reiurando obligati sint senatui Ecclesiastico, qui pri  
dem erat, ad sui excusationem allegantes etiam quod**  
dam Edictum ab eodem Senatu insciente fratre no  
stro, beatae memorie, & magno aulae Magistro ac con  
ſiliarijs editum die 19. Iulij superiori anno 1583. statu  
imus & pronunciamus omnia huiusmodi iuramenta  
& prætenſa edicta esse irrita, abrogata & annullata, nec  
quenquam ijs teneri, iniungentes omnibus nostris  
Superintendentibus, concionatoribus, Ecclesiarum  
Scholarumq; ministris vt hæc omnia prædicta & ipſo  
rum causa statuta, Christiano zelo, studio & modera  
tione teneant & præſtent.

Mandamus etiam ſeuere nostris consiliarijs, præ  
fectis superioribus & inferioribus, Scultetis, consul  
ibus, senioribus, ſenatibus & iudicijs vt per fidem,  
quam nobis dedere quamque nobis debent fidelita  
tem

tem, in hoc incumbant & hoc efficiant, quò ista supra dicta tūm ab omnibus tūm à singulis seruentur & siant: & apud vtrosq; tam Ecclesiæ ministros quām apud auditores & populum Christiana Concordia & fraternitas constituatur & maneat: & si qui in conuiciando, damnandōque vt haec tenus factum est, perrexerint, hortentur ad modestiam & linguæ continentiam: Si ne hoc pacto quicquam apud eos profecerint, maturè nobis istam contumaciam & petulantiam significant, facturis deinde quod nostri erit officij.

Atq; hoc ipso factum fuerit, quod Deo placet, proximo vtile & salutare est, & quod nos rectè sentimus, & seriò fieri volumus, seueritérq; mandamus.

*Confirmata nostro Sigillo, atq; edita Heydelberga die  
19. Februarij, Anno à Christo nato M. D. XXCI V.*

F I N I S.

